

而痊人稱奇孝先世濱海累遭寇虐後遷內地五世棺柩悉聯奮營葬并葬支親十三柩爲鄉里所稱紳士籲請

旌表崇祀孝弟祠

方經邦字宗弼年十歲父患難砥之父母病割股和藥及母卒哀痛動人何正振字學時父臥病朝夕扶持二十七年無少懈張華玉字紋石諸生幼失恃事父色養父歿事繼母惟謹繼母患脹疾年餘玉日夕扶持衣不解帶卒哀毀呼籲如喪父時先是父納庶母八年而庶母逝生季弟二人俱襁褓玉撫之長爲婚娶營生計終身無閒言族眾繁耕地促玉倡海墘開溝以導流作陡門以時啓閉瀦水高下更相灌漑增田四百餘畝取五之一爲祖先享祀費及貧乏孤寡養活資餘則核錢力以分族人合族賴之

福建通志

卷二百四十一

國朝孝義

三

福建通志
連江縣

連江縣

陳彥弼字子卿母病足且瞽臥床二十年彥弼承奉無少懈順治四年土寇攻縣城彥弼率眾拒之邑賴無恙後以貢生任甌寧訓導子登字駿公貢生海寇陷城弟潤被擄登入賊營傾囊贖歸諸弟衣食婚娶皆力任之臨終取自置田遺諸弟曰田宅可買兄弟不再得也邑有東湖溉民田數萬畝爲流民擾攘日就壅塞登呈於令出貲濬之凡三廢三復邑民賴其利登子脩字孝齊歲貢生松園爲圳以利民田東湖自登開後有欲竊墾者以利啗其曾孫名賢名賢搏其額曰是使子不成孫也力拒之名賢字聖周監生嘗築賢義溪石橋倡修南關外通濟橋族之孤貧不能舉昏喪者輒助之潤字肅兩晚貢於鄉孫鳳舉字思朝乾隆甲子舉人中

明通榜後銓永寧教職

鄭尙梓父愷爲山寇劉希亮所擄索贖尙梓家貧假貸以贖不贖所欲乃叩賊營求釋父願以身代賊殺之釋其父歸順治五年海寇鄭彩陷縣同里諸生吳維墀禦賊被害

王治觀字行省爲諸生順治十三年寇陷岱堡屠戮甚慘治觀產已中落慨然以收瘞爲已任造義塚十餘處分掩之夜聞扣門聲出視無有歎曰是必有不盡得所者遂遍搜巖谷遺骸罄產收瘞不數年捉衿露肘見者爲之嗟憫治觀處之怡如

張肅小字洪居父震公從其祖避亂邑之岱堡順治十三年海寇陷堡張氏一門殲焉獨震公以他適獲免肅時七歲賊掠往廈門轉鬻漳州稍長傭於龍巖震公意其已死康熙十年肅年二十餘

福建通志

卷二百四十一

國朝孝義

四

福建通志
連江縣

忘其鄉邑人謂其語音似連江而彷彿憶天貞者父名也遂奔連江越數朝暮無所向哭於途或問父名何曰忘之此間母乃有張天貞耶震公聞之曰天貞吾亡弟彼焉得識之亟走叩其詳大喜攜與歸呼其母出曰吾兒洪居不死歸矣肅熟視良久曰非吾母也震公曰爾母斃於賊矣此爾繼母爾洪居搶地大哭事繼母如所生念賊仇不復每飲泣或至失聲雍正七年

旌表

黃成富字碧峯農家子六世同居男女六十餘口每出作田閒眾婦俱往畱一婦視家臥兒於筐飢則乳之不問其爲誰兒也懸衣於桁出則脫之入則穿之垢則浣之不問其爲誰衣也客至供具飲食家長主之家中不聞一言

旌表

蕭良輔六歲喪父哀毀如成人父嗜肉膾父歿見膾輒悲泣家貧母作苦日易數餅充腹而蓄其餘良輔知母餬已泣告必母食乃食九歲母望之棄舟帆解母落水良輔驚號沒水求之賴舟人救免母嘗患目翳良輔以舌舐之愈臘月母病思食細瓜良輔奔郊外號呼或告降虎嶺有瓜奔竟得之母食而愈乾隆二十六年

余達字廷銓早歲以母病棄奉事二十餘年母年四十始應試籍府學父晚年病足達每日背負如父音所之十餘年事以為常

鄭位書父病瘵股調養以進母因父病積憂成疾位書復剖肝以

福建通志

卷二百四十一

國朝孝義

聖

連江縣

黃知縣金某給額旌之同里陳亮性陳雲蔚母病割股療之復病繼之以肝劉茂枝鄭良信黃興錦興補鄭成梧林梓芳程兆炳皆以剖肝稱陳文登陳光麟周必捷吳世盛游龍魁魏作梅孫昌沂胡帝簡胡仁和皆以剖股稱

黃經國字啓初父卒夜臥棺側及葬廬墓不歸知縣楊繼請於當道旌之同鄉張志恩故農家子居喪盡哀極在寢值天寒擁絮煖之晨夕撫視如事有及葬至元夕架木懸燈於塚上使兒輩擊鼓作樂曰庶吾父母於此景不岑寂也知縣王孚為之旌

徐永順字壽年少以治銀為生奉其父晨昏無疎節父執不至門必延致之與其父作竟日談酒有豐潔不待命而具人稱永順為能養志云

游春蘭增貢生父逢金援例州同遺命捐租五千觔以為鄉閭卷資春蘭於嘉慶十年承父志輸之族有不能舉婚娶喪葬者助之十七年歲歲減價出糶凡糶七萬餘觔穀價遂平道光元年又饑命子為瀚設廠平糶殷戶效之貧民賴焉六年又饑命次子為翥復減價平糶二十一年弟春臺又捐租五千餘觔以為鄉試錄遺卷資紳士勒石記之

羅源縣

黃日新少孤兄以力雄順治初元元表作亂兄率鄉壯敗之得名籍以歸日新年甫十四取其籍焚之歲饑輒呼饑者與之粟有貢官逋者以墓求售日新代之償而歸其墓子士鳳歲貢生鄰有因博負而鬻妻者士鳳代償之完其夫婦

福建通志

卷二百四十一

國朝孝義

聖

羅源縣

黃榛字雲石性至孝康熙十三年耿逆變作大師至榛投筆從戎與謀帷幄功成總督姚啓聖題授左都督榛以母老乞歸終養尤士魁字文開行年七十孺慕弗衰父歿廬墓三年母林氏年八十七士魁銜毒反哺四載如一日

游運開字用賞康熙十三年耿逆之變索餉被逮拷掠無完膚終不與餉

游侶開字信之一字未著祖定國傳見明良吏侶開康熙間以明經訓導尤溪應鐸三載尤士翕然從風擢莆陽會有擢之者侶開拂袂曰吾豈以師儒為市耶退休家居倡修學宮移巽峯塔鄉有告窮隨力貸之不計償卒之日多歎息泣下者

林樹高字仰之諸生順治初為西隅里長里中十甲所應供億每

出已貸貸貧者其人亦必償所貸曰善人不可負也耿逆聞樹高名欲羅致之避於呂洞山莊康熙四十六年饑爲粥以食鄉人口吾家非素封盡所得爲而已子定國字賓碩由諸生入監雍正五年米貴出所藏減價以糶

陳薪莪字元青雍正四年饑窮者貸之有鄰人夜踰牆竊穀被獲慰以溫語釋之又嘗建宗祠置祭器修葉令橋臨終屬其子孫曰是橋當衝流應傾圯爾等宜時修葺後橋圯孫世澧重修豎碑誌焉年八十八

李盛山又名際隆幼喪父家貧樵採養母及弟妹每飯不敢先母食父有債未償其人索於盛山盛山曰願勿訾吾先人至某日必以償後母遭重疾醫莫能愈盛山計無所出袖刀出門外四顧無

福建通志

卷二百四十一

國朝孝義

聖

羅源縣

人默禱於天以刀割胸取肝入呼妹曰以此和藥飲母越三日母病愈通志作母歿而盛山死矣臨死屬其從兄曰吾死以舊蒲席裹埋之母或不起鬻田中稻可買一棺言終而逝年二十七雍正六年旌表建坊

葉廷龍監生捐徐公里山地與畬民耕種不取其租又於護國建路亭以施茶子遠歲貢生性孝友撫二弟成家年七十不忍分爨曾孫大觀乾隆庚戌進士翰林院檢討

劉太常家貧父光患末疾太常躬耕奉養朝夕負之出入不稍怠道光四年知縣盧文鴻旌之

林元裕幼失怙恃事叔如事父兄弟三人裕最少凡事必稟命而行娶陳氏育一男而陳氏卒未幾二兄亦相繼歿裕事二嫂如母

撫姪猶子各爲婚娶而已不再娶

古田縣

丁正彥字子朔順治初海氛未靖杖策從征以軍功授尤溪教諭得士心歸以里甲宿堂大爲民累力言於當事罷之

葉厚秀字向春順治五年山寇竊發知縣甘體垣禦之厚秀率鄉壯百餘人入城協守寇潰散授把總鎮於洋村殘寇李君榮復發厚秀導官兵捕之上官欲叙其功辭其從弟伏祖入賊巢斬獲多名授千總累官至參將康熙十三年耿逆之變賊劫厚秀勒餉其子連豔年十三齎銀赴浦城救父以身畱質賊嫌餉少遇害同里蘇景邵字康生以孝聞山寇之亂景邵帶兵直搗龍華寨賊平大吏請

福建通志

卷二百四十一

國朝孝義

聖

古田縣

旌獎年九十四卒

林常登字毓雋諸生耿逆欲汙以僞職不受僞知縣翁其脅之常登奮然曰爾不明順逆既以自汙復汙我耶遽前推其案遂同子首選被繫移福州府獄獄卒梁伯伍義常登弛其禁假筆札作西河忠義錄以見志事平歸隱於鄉子首選字上而諸生父被繫時首選詣獄請代家有田千畝昆季欲析產首選不得已乃與弟首運各取其瘠者七十畝以供膏火餘悉分一兄二弟父所置屋亦讓而不居首選字開而諸生父被繫時首選年甫十三爲納橐餽日往返六十里閱三月逮至省獄復隨之 大師至放歸宿困關廟中遭海寇數十人欲刃其父首選求以身代賊義而釋之年八十三卒

林際泰父汝望其族人某受耿藩偽劄設軍校號劄子手者與汝望有隙拉殺之際泰志復父讎顧孤稚無如何久之耿藩伏誅受偽劄者死獨劄子手存際泰年十五赴省懇冤其仇偵知之掩繫之荒宅中榜掠垂斃適旗汛官過其門聞哀哭聲問故白當道捕其仇置諸法人情稱快

林雲蒸字爾蔚諸生值山寇至以祖母老且有心疾不忍去賊入室迎刃泣曰寧殺我勿傷祖母賊義之復賜以粟曰此孝孫也慎勿加害

魏應銘字五休康熙十三年耿逆之變汙以偽職不受欲殺之奇其狀貌囚之獄有陳儀者導以踰牆得免十六年山寇聚五都南樓鄉兵攻之不克水口駐防劉國興要應銘同往賊見之盡散坑

福建通志

卷二百四十一

國朝孝義

聖

古田縣

頭賊阮文恃眾不解應銘率鄉人斬之寇平將以事聞應銘曰吾不忍鄉里被害耳豈求錄耶以山水自娛卒於家

丁垂嘉字爾賓諸生耿逆之變屢徵就職垂嘉謂其子曰讀書當明大義安可妄以身許人耶遂被囚子名震字奮臣年十五與家人訣曰吾安忍老父受刑遂至縣署大聲曰願以身代父偽知縣許之被繫五月始脫於難同縣徐上鴻字克儀甫十歲與父承銓避耿逆之亂上鴻為賊所獲拷令言其父匿處上鴻號泣求代賊義而釋之

丁正昌字世茂貢生為耿逆所執刳掌燃臍終不為屈生平好施與有負其債者鬻妻以償正昌聞而憫之捐金令贖歸

丁正奇增生耿逆之變勒以偽命不應子諸生光石字琢臣歲饑

減價平糶

戴長蕃字振朝事繼母先意承志繼母愛逾己出族黨有不順者恥見其面有鄭姓負其債鬻女以償長蕃不受復贈金使贖之康熙十三年耿逆變起寇入城高其義過門不入後以拷餉拘其四子久偉五子久佺以兄善病潛以身代僞官憐其年少不忍加刑三子久倬又以弟久佺年少請代僞官欲試之比甚酷兄弟爭刑僞官為之心惻後又欲拘長蕃長子久任挺身代囚三年屢受重刑至喪明而不悔 大師至始盡釋之知縣董允憐旌其閭曰孝友一堂

陳隆亨字其昌耿逆之變吳金二寇臨城乏守禦資隆亨盡家存米數百石散給事得以濟

福建通志

卷二百四十一

國朝孝義

異

古田縣

包文禮字約生後隸屏南康熙十三年寇來攻索文禮乞師於劉將不允負牆而哭劉感其誠遂出軍解其圍後耿逆之弟鎮延津聞其名召不應遣兵執之又不得逆憐其才不忍殺幽之獄三年大師至始釋歸於龍昇峯築室居之顏曰退藏軒先是寇來攻時同里包國善禦之國善字世昌昆季三人俱有力國善尤最遇敵所向披靡暮年與族中諸老優游頤養年八十卒 鄒夢卜字子徵諸生好義勇為先是都圖徭役不均夢卜力請均派鄉人德之年九十六卒

丁先正字君定歲歉設粥以活餓者又施棺三百餘具捐造半坑亭金坑橋曹洋橋後曹洋橋圯其孫曾復捐修之

曾上偉字煥可康熙三十年捐資購義塚十五處收瘞暴露屍骸

二千四百餘施棺以助貧不能葬者

丁大魁字鵬齡貢生與兄大年皆庶出異母母病胃一病輒數月歲常數發入夜痛尤甚大魁晝夜侍奉凡四十年不懈母憐大魁取先疇之肥者與之大年死大魁出其產肥瘠均之三分其二以與諸子

陳柱字肇木歲貢生母病狂輒跣足外走醫治莫效病發柱輒隨之稍定受履乃負歸如是六年兄歿撫諸子寬而有制有過則正襟相對令侍而思過里中無少長見柱至必起立林衡善事母母病嘗糞以下休咎

蔣啓秀字道茂監生乾隆四十九年谷口聯宦洋諸村饑啓秀倡平糶議所活甚眾六十年又饑子步雲遵父遺規復倡平糶三月
福建通志 卷二百四十一 國朝孝義 古田縣

今谷口諸村每歲歉仗義者輒以平糶濟自啓秀始也又於墓亭聯宦洋諸處造水防爲鄉人溉田於芝洋購隙地半里以供貧人掩骼喪不能殯炊不能舉析者輒賜之

游標苑字名齊增廣生幼失怙既長以不得見父爲憾言及輒泣下一夕父示形於夢曰爾欲見我耶晨起以形質之兄兄曰是也母病五十餘日忽發狂標苑叩天號泣日盡腫次日母病愈

黃封字敬執樂善好施閭里族戚生養死葬咸就謀焉有戚某負債謂主者曰爾第困我於黃氏門外使封聞之債必償矣主者如言封果代爲償之封家被竊捕之知爲竊人子更以錢資之曰速改行毋負我以自負也後果爲善士然以此益貧過劍津遇盜劫掠一空傍徨無計有睨之而前曰君非黃封耶何以至此蓋卽封

夙昔所拯者出囊中金贈歸

余自厚字存所監生好赴人之急戚某非罪被逮爲納藥餌有瘵婦貧甚姑逼嫁之自厚周之以全其節子廷珪嘉慶己巳進士鄭又均字東平爲諸生母邁足疾均朝夕扶持躬爲櫛沐十五年如一日凡母所嗜之物雖遠必致母卒哀毀骨立年七十朔望瞻拜猶泣下族黨狀其事上陳均力辭乃寢

王浦與族兄樵於山兄爲虎所攫浦疾呼以所獲薪擲之虎不爲動後以鑷創其鼻始掉尾去後數十年同里有程廣者與兄負米於山徑虎傷其足廣奮擊奪之負以歸虎踵其後不能害

林大振字德良諸生性肫摯精理學構祠置祀田族人欽之

陳名煒字學朱以貢生授華亭縣主簿有惠政尋以病乞歸值歲

福建通志 卷二百四十一 國朝孝義 古田縣

歉減值平糶知縣某議立社倉輒先捐穀復捐田爲正音書院膏火今以其田充入義學鄉人頌之

丁名陞字績臣性豪爽戚族中有喪葬婚娶不能舉者助之平糶兩次並捐社穀大府以好義足風旌之同里高士明丁名揚丁麟光張建烈丁裔游源皆以減價平糶稱名揚字翼臣麟光字瑞公建烈字承祚源字耀公皆監生名揚與源復捐社穀建烈代兄繫獄裔又捐金施棺

姚登瀛例貢生立品勵行東身主壁事父母以孝稱友愛兄弟和睦宗黨道光二十九年

旌獎

屏南縣

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》 【32 万册影印古籍 + 20 多亿字，带检索器和阅读工具】 包括各地方志、日本内...

【更多】 >> <https://www.fozhu920.com/list/>